

永樂大典

三九

228566

南京工学院图书馆

卷 三九〇	卷 三九七	卷 三九七	卷 三九七	卷 三九七
人字	人字	人字	人字	人字



永樂大典卷之二千九百七十二

之真

人

貴人

沿革南史后妃傳序。貴人。漢光武所置。宋孝武建三年。進貴人。比三司。宋書泰始二年。又省貴人。置貴姬。北史魏后妃傳序。

太武稍增左右昭儀及貴人。隋開皇年間。文獻皇后崩後。始置貴人三貞。

事物紀原。漢光武置貴人爲三夫人。歷代不常有。國朝真宗復置貴人也。

事實東觀漢記。光烈陰皇后上即位。立爲貴人。上以后性賢仁。宜母天下。

欲授以尊位。后輒退讓。自陳不足以當大位。續後漢書光武郭皇后聖通。

世祖至真宿。納聖通有寵。聖通即泣。以爲貴人。孝明賈貴人。南陽人。明。

德馬后之姨女。孝章皇帝之母也。初選入後宮。爲貴人。生章帝。馬后無子。

帝既生而馬后母養之。明帝謂馬后曰。人未必當自生子也。但惠養之不。

勤。愛之不至耳。若能愛如己子。則孝敬亦如親生矣。於是馬后待章帝過。

於所生。章帝感養育之恩。遂專名馬氏爲外家。故賈貴人家不蒙舅氏之。

寵。後漢書賈貴人南陽人。建武末。選入太子宮。中元二年。生肅宗。而顯宗。

以爲貴人。帝既爲太后所養。專以馬氏爲外家。故貴人不登極位。賈氏親族無受寵榮者。及太后崩。乃策書加貴人王赤綬。續漢書曰。諸侯王赤綬也。安車一駟。永巷官人二百。永巷官人。署名也。後改爲掖庭。永巷官人。卿官婢也。御府雜帛二萬匹。大司農黃金千斤。錢二十萬。諸史並闕後事。故不知所終。梁貴人養親。慙侯梁殊之女也。少失母。爲伯母舞陰長公主所養。年十六。亦以建初十年。與中姊俱選入掖庭爲貴人。四年生和帝。貴人姊妹以憂卒。九年後崩。未及葬。而梁貴人姊嬖上書。陳貴人枉殺之狀。太尉張酺司徒劉方司空張奮上奏。依光武黜呂太后故事。貶太后尊號。不宜合葬先帝。百官多上言者。帝手詔曰。賈氏雖不遵法度。而太后常自減損。朕奉事十年。深惟大義。禮臣子無貶尊上之文。恩不忍離。義不忍虧。按前世上官太后亦無降黜。其勿復議。帝以貴人酷殺。歛葬禮闕。乃改殯於承光宮。上尊謚曰恭懷皇后。謚法曰。敬事尊上曰恭。慈仁而行曰懷。追服喪制。百官編素。與姊太貴人俱葬西陵。儀比敬園。宋貴人。皇太子慶之母也。竇皇后既無子。疾忌之。黷問於帝。漸致踈嫌。因誣宋貴人挾邪媚道。遂自殺。廢慶爲清河王。語在廢傳。東觀漢記。章帝宋貴人時。竇皇后內

寵方盛。以貴人名族節操高妙。心內害之。欲爲萬世長計。陰設方畧。譏毀貴人。由是母子見疎。數月。誣奏貴人使婢爲蠱道祝詛。七年。遂被譖暴卒。孝和陰皇后聰慧敏達。有才能。善史書。永元二年。選入掖庭爲貴人。詔以先后近屬。故有寵。申貴人生孝穆皇帝。趙夫人爲穆皇后。匡夫人生桓帝。帝旣立。追謚趙夫人爲穆皇后。匡夫人爲博園貴人。和平元年。桓帝詔曰。博園匡貴人履高明之懿德。資淑美之嘉會。與天合靈。篤生朕躬。欲報之德。詩所感歎。今以貴人爲孝崇皇后。通鑑剛目。漢安帝建光元年。尊嫡母耿姬爲甘陵太貴人。東漢書順烈梁后。永建三年。與姑俱入掖庭。時年十三。太史卜兆得壽房。又筮得坤之比。遂以爲貴人。常時被引御。從容辭曰。願陛下思雲雨之均澤。識貫魚之次序。使小妾得免罪謗之累。由是帝加敬焉。桓思竇后。延熹八年。選入掖庭爲貴人。其冬立爲皇后。而御見甚稀。帝所寵。唯米女田聖等。永康元年冬。帝寢疾。遂以聖等九女皆爲貴人。東觀漢記。孝桓帝鄧后。字猛。父育早死。猛母宣改嫁爲掖庭民。梁紀。妻紀者。襄城君縣壽之男也。壽引進令入掖庭。得寵爲貴人。改冒姓爲梁氏。通鑑剛目。漢桓帝延熹二年。立貴人鄧氏爲皇后。追廢梁后爲貴人。漢靈帝建寧元年閏月。尊母董氏爲慎園貴人。魏志文帝納甄后於鄴。有寵。

生明帝。罪后李貴人並受幸。后愈失意。有怨言。王隱晉書武帝臨軒拜諸葛婉爲夫人。李暉爲貴人。晉書李武帝紀。帝溺於酒色。時張貴人有寵。年幾三十。帝戲之曰。汝以年當廢矣。貴人潛怒。向夕。帝暴崩。後魏書文成皇后。生有神光之異。高祖踐極。以選爲貴人。文成光皇后李氏。梁國蒙縣人也。順立王峻妹。后之生也。有異於常。父方叔常言。此女當大貴。及長。姿質美麗。永昌王仁得后。後遇事誅。后與其家人送平城宮。高祖登白樓。望見之。謂左右曰。此婦人佳乎。仍下臺。后得幸於齊庫中。遂有娠。守庫者亦私書壁記之。別驗問皆相符同。生顯祖。拜貴人。宋會要載貴人。真宗順容也。定武軍節度使興之女。入宮爲貴人。慶曆四年九月。贈順容。

諸園貴人

東漢會要諸園貴人。安紀注云。諸宮人無子。守園陵者。也。明帝崩。諸貴人當徙居南宮。馬太后感斬別之。

懷。各賜王赤綬。加安車駟馬。白越三千端。雜帛二千匹。黃金十斤。馬后紀和帝昇後宮人並歸園。太后賜周馥貴人菜曰。朕與貴人託配後庭。共歡等列。十有餘年。不獲福祐。先帝早棄天下。孤心榮榮。靡所瞻仰。夙夜永懷。感愴發中。今當以舊典分歸外園。悽結增歎。燕燕之詩。蜀能喻焉。其賜貴

人王青蓋車。采飾駉馬各一駟。黃金三十斤。雜帛三千匹。白越四千端。又賜馮貴人王赤綬。以未有步搖環珮。加賜各一具。見鄭太后紀。陽帝延平元年。實太后諸園貴人。其官人有宗室同族。若羸老不任使者。令園監覈數上名。太后自御北宮。增喜觀閭閭之。恣其去留。即日免遣者五六百人。

皇后

紀

才人

沿革漢書翼奉傳。未央建章甘泉材人各百數。藝文志。未央材人師古曰。材人。天子內官。續後漢書曹叡傳。青龍三年三月。

大起洛陽宮於別殿之北。立八坊。諸才人以次序處其中。貴人夫人以上。轉南附焉。魏惠其秩石擬百官之數。宋書晉武帝採漢魏之制。置才人中才人。爵視千石以下。高祖受命。省二才人。世祖又置中才人以爲散位。資治通鑑注才人宋齊之時。以爲散職。梁於九嬪之下置五職。三職才人位。列三職。比駉馬都尉。南史后妃傳序。齊建元三年。太子宮置三內職才人。比駉馬都尉。後魏書高祖置女職。中才人視五品。北史后妃傳序。齊武成又置才人米女。以爲散號。隋煬帝時。美人才人。一十五員。品正第四。是爲世婦。唐會要舊制才人九人。正五品。龍朔二年。置承旨五人。正五品。以

代才人。咸亨二年復舊新唐書百官志才人七人。正四品。掌叙燕寢。理絲
糸以獻歲功。

事實東漢書和帝數失皇子。鄧氏憂繼嗣不廣。數選進才人以博帝意。魏
志明帝遊後園。召才人以上。曲宴極樂。明日帝見毛后曰。昨遊宴北園樂
乎。帝以左右泄之。所殺十餘人。晉中興書。謝夫人名玖。家本貧賤。以屠
羊爲業。玖清惠貞正。有淑姿。選入後宮。爲才人。王隱晉書世祖遣才人謝
玖給事惠帝。因是有娠。臨要賁妃。迎玖西宮。遂生慈懷。太康七年。出後
宮才人妓女已下百七十人。歸家。晉書懷帝王太后諱媛姬初合武帝拜
中才人。早卒。懷帝即位。追尊曰皇太后也。太平御覽崔鴻三十國春秋後
趙錄曰。石虎杜皇后名珠。不知何許人。平幽州在王浚妓中。虎見而悅之。
因請於勒。勒引見。號曰才人。以賜虎。性恭惠柔婉。寵幸亞於鄭后也。隋書
禮儀志。美人才人服鞠衣。首飾花六銅。并二博鬢。銀印珪鈕。文從其職。青
綾八十首。長一丈六尺。緣纓織成獸爪繫囊。佩水蒼玉新唐書太宗徐賢
妃。生五月能言。四歲通論語詩。八歲自曉屬文。父孝德嘗試使擬離騷。爲
小山篇。太宗聞之。召爲才人。高宗則天武后傳。文德皇后崩。父之。太宗
聞武士護女美。召爲才人。方十四。母楊慟泣與訣。后獨自如曰。見天子庸

知非福。何兒女悲乎。資治通鑑唐高宗永徽五年。上之爲太子也。入侍太宗。見才人武氏而悅之。西陽雜俎。莫才人。寧王常獵於鄆縣界。搜林忽見草中一櫃鎖甚固。王命發視之。乃一少女也。問其所自。言姓莫氏。叔伯在居昨夜遇光火賊。賊中二人是僧。因劫某至此。動婉合。頻治態橫生。王驚悅之。乃載以後來。時慕聲者方生。獲一熊置櫃中。如舊鎖之。時上方求極色。王以莫氏衣冠子女。即日表上之。具其所由。上令充才人。經三月。京兆秦郭縣食店。有僧二人。以錢一萬獨賃店。一日一夜。言作法事。唯辟一櫃入店中。夜久。輒轉有聲。店人怪。日出不啓門。徹戶視之。有熊衝入。走出二僧已死。骸骨悉露。上知之。大笑。書報寧王。寧大哥能處置此僧也。莫才人能爲秦聲。當時號莫才人。轉爲舊唐書。順宗莊憲王皇后傳。后幼以良家子。選入宮爲才人。順宗在藩時。代宗以才人賜之。時年十三。敬宗郭貴妃傳。長慶末。妃以姿貌。選入太子宮。敬宗即位。爲才人。武宗賢妃王氏傳。妃性機悟。開成末。賴王嗣帝位。妃陰爲助畫。故進號才人。唐語林。武宗王才人有寵。帝身長大。才人亦類。帝每從禽作樂。才人必從。常令才人與帝同裝束。苑中射獵。帝與才人南北走馬。左右有奏事者。往往誤奏於才人前。帝以爲樂。帝好道術。嘗天下方士殆盡。五年秋。王才人謂宣徽使曰。

聖人日日對藥爐服神丹。言我取不死。今身上變差事。道士稱換骨皆如此。某獨爲憂也。宣徽使固求變見狀。才人忌淚不敢語。外人雖未知帝得疾。但訝稀敗獵也。明年正月不御紫宸殿。不開延英門。向百日中外始公言帝病頃刻無才人見。卧起益酸痛。飲食益辛苦。一日帝熟。顏才人曰。吾氣息奄微。情慮杳杳。將不久矣。顏以別汝。對曰。陛下春秋鼎盛。又嘗服不死藥。聖壽必無疆。何忽出不祥語。帝曰。吾於汝豈同外庭臣耶。惡用作形迹意。脫不如汝所對。而千秋萬歲何以報我。才人欲慟。恐驚帝。乃曰。帝若忽厭四海。妾當同日死。帝哽咽閉目不喘息者少頃。忽曰。誠如汝言。當何爲。曰。妾止於縊。帝引手取巾授才人曰。以此以此。帝遂向壁不語。後數日帝疾亟。才人久侍帝歸寢。濃粧潔服如常日。乃盡取服脫散與內家。持帝所授巾至前。見帝已崩。自縊而絕。宣宗即位。贈貴妃命與瑞陵同日。時掩其殯在瑞陵栢城內西南。又有名才人隨靈駕行慢城內。每夕望瑞陵焚錢帛衣物。風吹火燔所止。宋會要孫才人。左金吾衛大將軍守斌之女。太平興國二年七月入宮。三年爲才人。高才人。太平興國二年三月入宮。三年三月爲才人。朱才人。淳化二年七月。自御侍爲縣君。四年十一月爲才人。沈才人。真宗故相倫之孫。光祿少卿繼宗之女。大中祥符二年四

月爲才人。陳才人。明道二年十二月。自御侍追贈才人。苗才人。景祐五年三月。自御侍仁壽郡君爲才人。朱才人。初封沛國郡君。元豐八年四月。爲才人。張才人。初封平昌郡君。元豐八年四月。爲才人。張才人。初封仁壽郡君。元豐八年四月。爲才人。宋才人。熙寧二年十一月。爲才人。六年四月。進婕妤。張才人。神宗初。爲御侍。熙寧二年四月。封仁壽縣君。三年正月。進才人。馮才人。初封治平郡君。元豐八年四月。爲才人。元符二年六月。進婕妤。郭才人。初封淮陽郡君。元符三年正月。爲才人。劉才人。初爲御侍。崇寧元年正月。封晉安郡君。大觀二年二月。進才人。夏才人。初爲典閣。建中靖國元年。封安定郡君。政和三年六月。進才人。喬才人。太觀三年七月。封永嘉郡君。四年四月。進才人。生顯福公主。李才人。政和四年二月。封才人。王才人。政和四年六月。封才人。韓才人。紹興十三年六月九月。詔宮正韓氏進封才人。吳才人。紹興二十二年五月十八日。詔新興郡夫人吳氏進封才人。建炎朝野雜記。武才人。光宗後宮人。初封同安郡夫人。紹興五年春。進封。止郡封無品秩。凡宮中之制。夫人已上。始稱房院唐元鎮長慶集。鄭氏封才人制。勅古者天子設六宮。以詔內理。是以閭雅樂得淑女。憂在進賢。將聽鶴鳴之詩。豈惟魚貫之序。

鄭氏山東令族。海內良家。每師班女之文。嘗慕樊姬之德。桃安媚媚。蘭行馨香。爰用擇才。冀無傷善。勉當選進之重。無忘和平之心。可才人宋夏文莊公集李氏可才人。勅某謙祇率禮。端懿傳芳。自恪奉於宸闈。寔存更於歲篇。爰播柔嘉之譽。宜推甄獎之恩。俾陞嬪侍之榮。用勸肅恭之德。欽茲寵渥。更勵夙宵。可蘇魏公集仁壽郡君張氏可才人。勅嬪婦之列。蓋當師於宮庭。才美之名。寔優隆於位號。載嘉內治之助。特厚言綸之頒。某氏體閨淑之令姿。果肅雍之懿範。自參承於御叙。嘗進躍於恩封。而謹職中閑。顧德言之並茂。增華近序。介祥祉以尤殊。宜加印綬之榮。用光圖史之鑒。惟靜專所以安寵數。惟婉約所以副褒章。服我訓辭。無忘欽率。可張廣東憲集宮正韓氏封才人。勅坤儀正則天下治。位冠六宮。婦職修則家道齊。禮嚴諸御。爰卜吉日。肇登長秋。眷時柔良。實勤贊輔。宜頒襲綽。以示異恩。具官某氏。婉變凝姿。齋莊秉則。若玉在璞。中韞粹溫之珍。如蘭有香。靜懷服媚之德。早膺遠選。擢在週聯。應茲盛典之行。賴爾小心之助。是用踰陞華綴。密侍中宸。崇秩視於列卿。令名參於碩媛。往祇渙渥。毋怠欽承。翟忠惠先生集宮人劉氏除才人。奉聖旨係明達皇后養女。朕眷懷內助。悼嬪德之遺言。追厚飾終。正椒極之殊典。推廣餘澤。褒崇近新。以爾

某氏鞠育自初柔儀允輯見聞是似懿範猶存其升令名處爾世婦之列
用食舊德慰我懷人之思官人王氏除才人朕嘉風人關雎之義始
於見微乃慎嬪列貫魚之序專以德進具官某氏升聞女德之茂胄自名
族之華勞謙用光率履不越往莅婦職命滋益恭載稽令名俾升世婦之
選增重顯秩以稱象服之宜慕容彥逢摛文堂集平昌郡君韋氏可才人
勅朕顧誕明命以承天休克寢吉祥在于妃輔褒崇之數茲惟典常廼形
奏章移恩鞠女祭其謙德特有嘉從具某氏志慮柔明性資和適言容兼
穆禮法交修襄膺眷知肇啓湯沐服寵如懋稱譽日聞宜陞五品之封俾
爲六宮之勸往安祉福茂對邦榮可高定于薇垣類藁新安郡夫人邢氏
進封才人制朕載飾婦官聿脩陰教眷時碩媛已聞弓韜之祥眷我寵
章申錫絲綸之美慶弄具舉茂渥有蕃具封某氏懿範溫恭芳安柔惠其
儀不忒雍雍瑤瑤之規德孔嘉慶慶箴圖之戒受帝歆之殊眷應祿祝
之精祠用進登女御之班以昭示壺彝之懿惟天生德既膺震夙之符與
國匹休永遵穆皇之慶范師道集上仁宗論女御以御寶白制除才人狀
臣聞禮以制情義以奪愛常人之所難惟聰明睿哲之主然後能之近以
宮人數多出之此盛德事也然而事有榮風化治亂之大而未經留意者

臣敢爲陛下言之。竊聞諸閭女御，以周董育公主，御寶白制，並爲才人。不自中書出詰，而掖庭覬覦，遷拜者甚多。周董之遷可矣。女御何名而遷乎？才人品秩既高，古有定負。唐制止七人而已。祖宗朝宮闈給侍，不過二三百人。居五品之列者無幾。若使諸閭皆遷，則不復更有貞數矣。外人不能詳知，止謂陛下於寵幸太過。恩澤不節，爾未婦人女子與小人之性同。寵幸過則漬慢之心生，恩澤不節，則無厭之怨起。御之不可不以其道也。且用度太煩，須索太廣。一才人之奉，月直中戶百家之賦。歲時賜予不在焉。况詰命之出，不自有司。豈盛時之事耶？恐斜封墨敕，復見於今日矣。樂府詩集，梁庾肩吾《未央才人歌》：「從來守未央，轉欲訝春芳。朝風凌日色，夜月奪燈光。相逢儻游豫，暫爲卷衣裳。」唐張祐詩：「孟才人歎一首并序。」武宗皇帝疾篤，遷使殿。孟才人以歌笙復寵者，密侍其右。上目之曰：「吾當不諱。」爾何爲哉？指笙囊泣曰：「請以此就繼。」上憫然，復曰：「妾嘗藝歌，願對上歌一曲，以泄其憤。」上以懇許之。乃歌一聲，何滿子，氣亟立殞。上令醫候之，曰：「脉尚溫而腸已絕。」及上崩，將徙其柩，舉之愈重。議者曰：「非俟才人乎？」是命其柩，概及至乃舉。嗟夫，人以誠死，上以誠明。雖古之義激無以過也。進士高城登第年宴，傳於禁伶。明年秋貢，士文多以爲之目。大中三年，遇高於

由拳哀話於余。即為興歎。詩曰。偶因歌態詠嬌嬈。傳唱宮中十二春。却為一聲何滿子。下泉須吊舊才人。一云。偶因清唱奏歌嬈。送入宮中十二

春。聽後一聲何滿子。
九源須吊舊才人

美人

沿革漢書漢興因秦之稱號。正適稱皇后。妾皆稱夫人。及有美人之號焉。至武帝各有爵位。美人視二千石。又王莽傳。莽進

所徵天下淑女。備和嬪。美御美人二十七。視大夫。東漢書夏殷以上后妃之制。其文畧矣。周禮王者備內職焉。光武中興。置美人無爵秩。歲時賞賜充給而已。魏志。漢制內官十有四等。魏因漢法。皆如舊制。自夫人以下。世有增損。太祖建國。始命王后。其下五等有美人。暨太和。中自夫人以下。爵凡十二等。美人視二千石。宋書。晉武帝採漢魏之制。置三夫人。其餘有美人。爵視千石。太宗以美人為散使。齊書。六宮位號。漢魏以來。因龍增置。世不同矣。建元元年。有司奏。置美人為散職。後魏書。高祖改定內官。美人視三品。北史。后妃傳序。隋煬帝時。美人才人。一十五員。品正第四。是為世婦。唐會要。舊制美人九人。正四品。龍朔二年。置承門五人。正四品。以代美人。咸亨二年。復舊。新唐書。百官志。美人四人。掌率女官。脩祭祀賓客之事。宋

曾要皇后之下有美人

事實漢書萬石君奮其父趙人也。姓石氏。趙亡徙居溫。過河內。時奮年十五。爲小吏侍高祖。高祖與語。愛其恭敬。問曰。若何有。對曰。有姊能鼓琴。高祖曰。若能從我乎。曰。願盡力。於是高祖詔其姊爲美人。徙其家長安中戚里。以姊爲美人故也。孝惠張皇后。宣平侯教女也。呂太后欲爲重親。以公主女配帝。欲其生子萬方。終無子。廼使佯爲有娠。取後宮美人子名之。殺其母。立所名子爲太子。孝成趙皇后弟絕幸。爲昭儀。謂成帝給我言。從中宮來。即從中宮許美人兒從何生。許氏竟當復立耶。今許美人有子。竟負若約。謂何。帝曰。約趙氏。故不立許氏。使天下無出趙氏上者。無憂也。虞美人者。以良家子年十三。選入掖庭。續漢志曰。美人。父許。爲郎中。許父衡也。歸校尉生女。舞陽長公主。自漢興。母氏莫不尊寵。順帝旣未加美人爵號。而冲帝早夭。大將軍梁冀秉政。忌惡佗族。故虞氏抑而不登。但稱大家而已。熹平四年。小黃門趙祐議。郎舉整上言。春秋之義。母以子貴。隆漢盛典。尊崇母氏。凡在外戚。莫不加寵。今冲帝母虞大家。誕生聖皇。而未有稱號。太臣子雖賤。尚有追贈之典。况母現在。不蒙崇顯之次。無以述遵先世。垂示後世也。帝感其言。乃拜虞大家爲憲陵貴人。王美人。趙國人也。

祖父苞五帝中郎將美人豐姿色聰敏有才明能書會計計謂總會其數而算以良家子應法相選入掖庭美人有娠左傳曰邑姜方娠杜預注曰懷胎為姙音之乃反一音身畏何皇后乃服藥欲除之而胎安不動又數夢負日而行四年生皇子協后遂配殺美人帝大怒欲廢后諸宦官固請得止董太后自養協號曰董侯帝愍協早失母又思美人作追德賦令儀頌後帝求母王美人兄斌斌將妻子請長安賜第宅田業拜奉車都尉興平元年帝加元服有司奏立長秋宮詔曰朕稟受不弘遭值禍亂未能紹先以光故典皇母前薨未卜宅兆禮章有闕中心如結三歲之感蓋不言吉且須其後於是有司乃奏追尊王美人為靈懷皇后改葬文昭陵儀比敬恭二陵見靈思何皇后王于年拾遺記魏文帝所愛美人姓薛名靈芸常山人也父名鄴為鄴鄉亭長母陳氏隨鄴舍於亭傍居生窮賤至夜每聚隣婦夜績以麻蒿自照靈芸年至十五容貌絕世隣中少年夜來竊窺終不得見咸熙元年谷習出守常山郡聞亭長有美女而家甚貧時文帝選良家子女以入六宮習以千金賁賂聘之既得乃以獻文帝靈芸聞別父母歔歔累日淚下霑衣至升車就路之時以玉唾壺承淚壺則紅色既發常山及至京師臺中淚凝如血帝以文車十乘迎之車皆鏤金為輪

輶丹畫其轂輓前有雜寶爲龍鳳銜百子鈴。鏤鏤和鳴響於林野。駕青色之牛。日行三百里。此牛尸室國所獻。足如馬蹄也。道側燒石葉之香。此石重疊狀如雲母。其光氣辟惡厲之疾。此香腹題國所進也。靈芸未至京師數十里。膏燭之光相續不滅。車徒咽路。塵起蔽於星月。時人謂爲塵宵。又築土爲臺。基高三十丈。列燭於臺下。名曰燭臺。遠望如列星之墜地。又於大道之傍。一里一銅表。高五尺。以誌里數。故行者歌曰。青槐夾道多塵埃。龍樓鳳闕望崔嵬。清風細雨雜香來。土上出金。火照臺。此七字是妖辭也。爲銅表誌里數於道側。是土上出金之義。以燭置臺下。則火在土下之義。漢火德王。魏土德王。火伏而土興。土上出金。是魏滅而晉興也。靈芸未至京師十里。帝乘雕玉之輦。以望車徒之盛。嗟曰。昔者言朝爲行雲。暮爲行雨。今非雲非雨。非朝非暮。改靈芸之名曰夜來。入宮後居寵愛。外國獻火珠龍鸞之釵。帝曰。明珠翡翠尚不能勝。况乎龍鸞之重。乃止不進。夜來妙於針功。雖處於深帷之內。不用燈燭之光。裁製立成。非夜來縫製。帝則不眠。宮中號爲針神也。續後漢書。孫和何姬傳。孫皓以張布女爲美人。有寵。皓問曰。汝父安在。曰。賊已殺之。皓大怒。棒殺之。後思其顏色。刻木作美人。恒置坐側。錦繡萬花谷。齊東野語。侯有美人潘妃。名玉奴。東臨鑿金爲蓮花。